

■ GLOSSA

Fenomen!

DA SILVIO CAMENISCH

Quella interprendidra, MM-B, è in fenomen. Quella ha augmentà ord atgna forza, senza forza dal bab patern, la valita da la Ems per milliardas e fa vinavant. Pudain u savain nus ans imaginar las milliardas svieuta che quella interprendidra è chapabla da generar. Cun quella ed en quella aveva il bab patern e simultanain etern generà ina figlia interprendidra e tgenina! cun la mamma. Mintg'emna ina figlia, duas figlias, trais figlias ed in figl aveva il pèr maridà dals cors sa laschè provocar e generà.

Quella figlia interprendidra, tuttas figlias èn gea interprendidras, genescha svieutas da record. Quella interprendidra sco quai ch'ils plazzals industrials Svizra, territori da la UE, Asia e China n'han mai vis uschia, uschia betg, jau m'emposs betg, betg pendì mai! è in fenomen. «Du, bist ein Phänomen. Du, kannst die Erde dreh'n. Du, dich fängt niemand ein. Der Wind trägt deinen Namen. Du, bist ein Phänomen. Du, manchmal unbequem. Dein Wort hält Wort, lass



alle Schatten fort.» (songtext Helene Fischer, grazia.)

Quella interprendidra è definitiv passada or da la sumbriva gigantesca dal dieu bab, din observatur. La Magdalena Maria Stuart da l'economia di da sasezza: Jau na sun mai stada en la sumbriva dal bab. N'er betg extrem en Ses sulegl. Jau decid ed exquesch independentain, fatsch jau. «Können Sie mir die sieben Lösungsschritte nennen! Sie, Kadermitglied sind gemeint. Das ist keine Frage. Keine Frage, ist das ein Befehl! Schläfst du da vorne. Schlaf(f)es Bruder» pervia da mai en la litteratura, betg qua, nua che nus lavurain, generain, maximain. Da qua, la giaischla, Peer!

Nus faschain ussa lavur lunga, en in temp da lavur curta. Nus maximain las svieutas, quellas vulan quai, quellas drovan quai. Insatge auter na vulan na dovrans quellas betg. Mintg'emna ina svieuta, duas svieutas, trais svieutas che dattan da discutir, e che provochesch scuidanzas. Quella sulettaregenta interprendidra, en vestgì d'um, sco il bab etern, mussa or ina bilantscha ad acziunaris efisssgugent. L'interpresa flurescha gigantesca, las polimeras d'auta tensiun ed auta preensiun vegnan derasadas sco sems enturn il mund.

Jau crai en quella interprendidra, superdunna da fatschenta tutpussenta, stgaffidra dal tschiel e da la terra da polimeras, tgeninas adina. Pertge na cuescha bunain nagin a quella dunna-um, dieser Mannfrau, il success fenomenal? Ella surpassa tuts, er il bab. Quella na sesa strusch in di da vart dretga dal bab, quella betg, sesa bain plitost il bab da vart sanestra da la figlia. Insatge ch'i n'ha mai dà. Er kann nicht mehr! Ist das der neue Papst?